

Tertullianus.  
Clemens A-  
lexandrinus.

Johan. Evan-  
gelista & A-  
postolus scri-  
psit contra  
hereticum  
Cerinthum.

Naturæ  
Christi.

Item cap. 8, monet, Matthæum propterea in initio Evangelii scripsisse, Christi generatio sic erat, (non Jeshu) qui est Immanuel, ne eum tantum hominem putaremus. Nam ex voluntate Dei verbum caro factum est, neque alium quidem Jesum suspicemur fuisse, sed unum & eundem sciremus Deum esse. Idem docent in tertio seculo Tertullianus contra Praxeam. Cap. 2. v. 3, 4. Item cap. 13 de Christo. Clemens Alexandrinus lib. 1. Pedagogi sui cap. 2. Cyprianus lib. 2. contra Judæos. Item, libro de vanitate idololatriæ. Eapropter damnati sunt hæretici, qui incarnationem filii Dei, & Deitatem Christi negarunt, ut Ebion & Cerinthus. Hic alium Jesum esse docuit, & alium Christum, ut Irenæus lib. 1. c. 15. testatur: Jesum quidem esse Josephi & Mariæ filium, sicut reliqui homines, sed post baptismum descendisse in eum Christum, in fine autem revolasse iterum Christum de Jesu, & Jesum passum esse. Christum autem impassibilem perseverasse. Perniciosissima hæresis Cerinhti est, quam propterea & Johannes Evangelista jam tum suo tempore refutare voluit, tum in Evangelio, tum in Epistolis suis. Rectè enim testantur Historici Johannem Apostolum scripsisse contra Cerinthus. Quod ipsum patet.

1. Ex fine Evangelii Johannis. cap. 20. v. 31.

*Hæc scripta sunt, ut credatis, quod Jeshus est Christus, ille filius DEI: & ut credentes vitam habeatis per nomen ejus.*

2. Ex genere doctrinæ, quod in Epistolis suis urget. 1. Johan. 2.

v. 22. *Quis est mendax, nisi is qui negat Jeshum esse Christum?* 1. Joh. 4.

v. 2, 3. *Per hoc cognoscite Spiritum Dei: Omnis Spiritus, qui confitetur Jeshum Christum in carnem venisse ex Deo est. Et omnis Spiritus, qui non confitetur Jeshum Christum in carne venisse, ex Deo non est, & hic est ille Spiritus Antichristi, de quo audistis, quod venturus sit, & nunc jam in mundo est.*

Denique 3. ex testimonio Irenæi, & sequentium Catholicæ Ecclesie doctorum.

V. Duæ igitur in Christo sunt Naturæ, Divina & Humana, Deitas & humanitas, ob quas Christus & verus Deus est, & verus homo.

*Nam germen Davidis est Jehovab, justitia nostra. Jer. 23. v. 5 6. v. & cap. 33. 16. Filius hominis est filius Dei vivi. Matth. 16. v. 13. 16. Quem me di-*